

# ZUAJU BITA JENA FI ZAMAN BITA MASAKILAT



**BANAT MA AKAL BIT  
WONUSU BARA!**

**BIDIBIDI MA PALORINYA,  
UGANDA**

## UNAUN

Ketir banat ta junub Sudan fi Yugandi be zuaju ligo ma wosulu 18 sena. De be nadi zuaju bita iyal. Zuajun bita iyal be waja fi sikat ketir. Banat tanin be tala bara min mederesa. Tanin be sedidu ashan ligo gurush ta afishu badun ma biyut fita umon. Tanin besitimu be rujal fita umon. Yala tanin be ligo togowiat kan umon tala hamilan wele fi jaman ta weleda.

Ashan de, munajamat be nadi Save the Children ma Plan International der aruf ketir yani kef (ma munajamat tanin) be saadu banat ma abuhat ashan saadu taakirat ta zuaju guam. Yani fi 2020, Gisim al be ayinu agiga ta inshan fi Yugandi wonusu be banat ma abuhat fita umon. Anina der aruf 4 ajat.

Fi kulu, anina wonus le akter min 180 banat ta senawat min 10-17 fi Palorinya ma Bidibidi kemat ta lazin. Anina amul sokolat ta lif fi makal wakıt, je tasowir, salau awurat je juhur, ma alabu. Anina Kaman wonus le 36 abuhat ta banat al kalas jahis le abishu bet. Yau de ajat anina derishu anina fi mahal wahit.

1. Sabafb sunu banat be zuaju ligo umon sukerin, yala tanin be istenu lakadi umon raba?
2. Kef banat ma abukat fita umon be silu raya fi ras Zuaju?
3. Sunu al banat ma buyut fita umon der ashan be saadu istenu lakadi umon raba ashan be zuaju?
4. Sunu al banat ma abuhat fita umon fekir MUNAZAMAT kede amul ashan banat be istenu Zuaju? Sunu al kede amulu ashan saadu banat al kalas Zuaju?

## SUNU BI KUTU BANAT FI KUTURA BITA ZUAJU BEDIRI?

### FEKIRA KWESI FI ZUAJU TA IYAL

Je tejeriba, banat tanin fekir gal zuaju be kutu umon kun murtha wo be wodi umon ligo ajat al deru, je akil wo gurush.

### SEDEKAAT

Je tejeriba, fi jaman tanin banat, abuhat, wo nas ta kela fekir yan be kun kwesi le banat ashan zuaju kan uwo be ahder gobutu sokolat ta jua bet wele bada दौरा, sala kan uwo ma wosulu 18 sena.

### MAFI FI MEDERESHA

De kan agiga le afukar ketir, je ma ketifu le mederesha wele sagit fi feshil kebir.

### AKALAT

Banat tanin be asuma batun kaanu asuru umon le zuaju ashan fi aja umon amul awu ashan umon hamil. Je tejeriba, kan umon rua fi lugara, asruf merisha, दौरा barau awu be bilel, awu silu jaman le guat be awulat. Wele kabasu umon ashan niku be teriga ta ligo ajat al umon der, je gumashiat wo gurush ta mederesha.

### MESKIN MA YIMKANIAT

Banat tanin be zuaju bedir ashan umon ligo yimakinat- je akil, malabish, wo gurush ta mederesha ma tahnin barau barau- jabu be rujal. Wele umon bad marat der ashan jidu iden ashan saadu fil bet ma goiyat ta afhisu umon. Bigut fi ta umon Kaman det ashan ligo mali.

### SETIMAT LE JENA WU SOKOL KASLAN

Setimat le jena wo togowiat fil bet, sokol kaslan bel abuhat, sokolat ketir fi dakil jua, wo sakila bel abuhat be kutu iyal fi masakil.

### ADAT TEFERIK WU

### TAKALIT BEN BIT WU WELET

Je tejerif, biyut tanin ma kelat takil gal banat yan ajat al be kutu bet ashan sagit. Tanin bel takil gal ma kwesi le banat ashan rua fi mederesha.

### SUKUT MIN SULA

Sabab tanin indu afukar me indu faida ashan kida umon be zuaju ligo sukerin wo be liju banat tanin ashan Kaman be zuaju sukerin.

### MUTAMA

Nas fi mutamat tanin wo mudirat umon daiman yau be mesidu ashan iyal be zuaju wo be masig banat be terigat batal kan aba ashan zuaju wo zuaju be guwa.

### SURSA MIN SAYA

Je tejerif, surasiat tanin me indu agiga ashan saadu wele kutu gua ashan be akder wonus kak fita zuaju ta iyal.

### TERIGA BITA SERAFU AKIL

Baat marat sikat al UN be wedi akil yau be kutu banat ashan zuaju bedir, le ashan umon be ligo akil ketir le badun wo biyut fita umon.

## SUNU BI AFESU BANAT MINI ZUAJU BEDIR?

### SEDIKAT

Je tejerif, banat tanin ma abuhat fita umon sedeku biniya lazima be Istanu lakadi wosul 18 sena ashan zuaju.

### AFUKAR AL MA

### KWESI FI ZUAJU TA IYAL

Je tejerif, banat tanin fekir zuaju ta iyal be kutu umon sokol meskin ma waja muk. Tanin fekir yan umon suf mi tegelia ta sokolat dakil bet. Wo umon be akudu min setimat, guat barau, wo be kamil ligo lisa suker.

### NIZAL FI MEDERESHA

Nizal jua mederesha be afishu banat min zuaju bedir.

### HAMILIA MA KUTURAT

Banat tanin indu hamiliat ma kuturat gidam ta umon bara min zuaju, je kalasu mederesha wo ligo sokol.

### AKALAT

Banat tanin be taramu afukar fita abuhat fita umon ashan Istanu le zuaju al bedir. Tanin be aba akalat al be kutu umon le terigat al umon be ligo batana wo zuaju bedir, je doworia fi lugara, दौरा barau bel bilel, ma silu jaman be rijal barau.

### AFUKAR KWESIN BEL SABAB

Sabab tanin kwesin le afikar ashan be mezidu binia ashan kun fi mederesha wo keli ma zuaju bedir.

### YIMAKANAT LE INSHANIA

Abuhat al be akder wedi ajat dereu be binia fito be afishu uwo min zuaju bedir.

### ABUHAT AL MUDAMIN

Abuhat tanin be jaja banat fitom ashan geni fi medresha, le ashan me be zuaju guam, be kelim tamam, afishum kwesi, wo be wedi zaman le riadaat.

### AZAH BEL MUTHAMA

Azazh be muthamat tanin be saadu banat ashan mabe zuaju bedir. Tanin be saadu banat kan abuhat fitom der asuru binia le zuaju bel gua be teriga ta wonusa al kwesi, wo kan kef be silu binia ashan geni bara min abu al indu fekira batal.

### GAWANIN GOIN MA SEASAT

Gawanin ma seasat goin fogo zuaju ta jena be afishu banat. Polisiat al be kutu gawanin ashan saadu banat al asuru le zuaju be saadu sedit.

## KEF BANAT MA ABUHAT BE SILU RAYA FOGO ZUAJU?

**Banat** – Ketiir banat bi azilu le badun miten wu munu bi zuaju. Lekin ketiir banat yindu suker wele ma yindu fekira. Wumon bi ligo wele yindu taasir mini abuhat fogo zuaju. Ketiir banat bi waga fi nus wuo bikun yindu kalam lekin bi serik fekira.

“Ana mumkin be zuaju asa”

“Ana bi istanu”



- Ana mikin be tefes min gowiat ta bet
- Ana mikin be ligo ajat ana der, je akil wo malabis
- Be kutu abuhat tai murtha
- Be kutu nas min wonusa batal fogo ana
- Ana be kun be iyal ketir

- Ana minkin be sitimu be rajil
- Ana ma be akder tegelia ta sokolat dakil jua wo taafis ta jena lisa
- Ana be kun be musakilat kan kamil wo weleda
- Ana be kun be afukar, barau, wo waja geliba
- Ana der kalasu mederasha ashan ligo gurush awel

**Abuhat** – Abu wo umo daiman fogo silu raya fita zouju ta babat fita umon fi sikat barau barau. Kan binia ma be abuhat to, nas tanin al mushulin Kaman be kun fi.

**Taaniin** – Usura tani wele jerenat daiman be kun fogo silu raya ta zouju bita banat. Umon be akder wedi afukar fita zouju wele Kaman be saadu min terigat ta zouju.

“Lazim be zouju asi”

“Kede uwo istano”



- Be akder saadu anina be sika ta gurush
- Moburuk be silu tegelia fi ras tanina fogo musulia fito
- Uwo be wedi anina iyal mugademin
- Uwo ma be kun fi kutura

- Keli uwo kalasu mederasha ashan ligo gurush awel
- Saha fito be kun batal wo Kaman be gowiyat bita ligo iyal
- Marat be ligo sitimat min rajil fito
- Uwo me be akder sokolat tegil dakil jua ma tafish ta jena
- Uwo be kun be musakilat fi zouju fito wo marat be fertek

# SUNU AL BANAT MA ABUHAT BE FEKI ASHAN MUNAZAMAT BE AMULU ASHAN BE SAADU?



## TAALIM

- Teki taalim le banat, al zouju wele ma zouju. Wonus musaadat le al zouju ma al fertek fi zouju ashan banat be rija le mederasha.
- Wedi le kulu banat gurush ta mederasha, malabish, tafashiat, ma ajat ta दौरا.
- Abinu madarish ketir wo rasul ketir banat le madarish al umon be दौरو kuluma yum min bet.
- Kutu be balak ashan mederasha be kun kwesi be terigat ta ujuru usasin al nasawin. Derisu banat sikat al umon be balagu moulumat ta setimat.
- Wedi terigat tanin fogo madarish al gedim le kulu banat, kulu ma sesaat bara min al taalim to masi gidam, sokolat bel iden, ma madarish le banat al zouju.
- Saadu ma ajat al be masuk banat al zouju wo al fertek min zouja al biga ma min mederasha. Je tejeriba, 1) rujal, abuhat, wo nesibat al ma derbanat ashan ruwa le mederasha, 2) madarish al ma be rudu ashan nas zouju wele kamilanin ashan kun jua feshil, ma 3) bet tegil ma sokolat ta afishu jena.



## DAAM LE IYAL

- Wedi taafish ta jena le banat al moshulin al der rija ashan kalasu mederasha wo ligo sokolat.

- Saadu banat ashan ligo agigat fita ajat umon derin.
- Derisu banat teriga al be jidu wele afishu iyal.



## EKTISOD/EMCANIAT

- Wedi le banat ma abuhat fitom musaadat be gurush, je sokol al be dafau tuwal le abuhat ashan banat fitom be geni fi mederasha, gurush le banat al zouju ashan be afishu iyal fitom, wele istamilu hurush fitak le banat.
- Wedi le banat ajat, je malabish ma ajakurat, afashiat ta motbak, je kojoronat ma sakanat, milayat, wo ajat ta saha, je sabun ma mohimat ta nasawin. Jidu taain. Kutu fi balak inta indu jua al nedif ma moyo.
- Saadu banat ma abuhat ashan ligo sokol al kwesi wo nedif.
- Wedi sokolat al be dafau tawal ma gurush al be dafau bad jaman le banat ashan bada tuzar.
- Saadu be ajat al be afishu banat min sokol, je abuhat, rujal, wo nesibat al ma der umon fi sokol al tegil fi bet.



## GANUN WU SIESA

- Wogifu iyal min दौर le lugara.
- Kutu fi balak fi gawanin al be afishu iyal fi kela.



## KABARAT MA RISALAT- JIDU FOK

- Kutu sesat fogo taalim al kwesin, je deresa sakit al ma be dafau.
- Wedi terigat le banat, abuhat, ma mudirat ta kela yan le zouju bita iyal ma kamil bedir be waja geliba banat.
- Wedi taalim ma sokolat le banat al zouju. Kutu fi balak umon aruf taalim de.
- Wonus kulu jaman ta intimakat, fi suk wo daian fogo sokolat le banat.
- Wonus le banat ma abukat yan kef umon be silu raya fogo zouju wo sunu deeru le zouja.
- Wonus le mudirat ta kela ashan saadu le taalim le kela fi teriga kef keli banat akir zouzu al bedir.



## KIMAYA

- Wedi le banat- bes mahalat al kwesi. Stamil mahalat de le intimahat Derish banat gal umon be akder rua fi mahalat de ashan fata balakat ka setimu wele asuru fi zouja.
- Wonus le banat ma mosoulin terigat ta goiat fi kela. Derish umon yan kef banat be akder geni asuai.
- Derish abuhatsikat al umon be akder taramu rayat ashan be geni badun setimat. Saadu umon fi taafish fita banat min moulumat gedim al be ashuru umon fi zouja.
- Kun me mudirat ta kela wo MUNAZAMAT ashan be saadu ligo banat al zouju wo setimu. Wedi musaadat bel kasum ashan teki umon.



## DAAM BITA NANSIET

- Wedi le kulu banat- ma kulu al zouju al setimu, saadu wo teki mutkamat be derisha yan kef umon be akder geni bara min waja geliba ma muk.
- Alimu banat fi teriga umon be akder saadu badun.
- Saadu banat, kulu ma al zouju, ashan geni be saha fita sabab fi teriga ta sokolat umon der, je riadat.
- Gewi banat al zouju fogo kalamat ta afishu bet, Kaman kef inta be akder ferteku be kan inta ma der biga, wo wen inta be rua ashan fertek bed be gonun al kwesi.



## SAHA

- Wedi le banat derisha ta hamil ma saha jaman umon hamil, je weleda be musafa. Derishuyan kef umon be geni nedif min ayanin ligo min niku badun wo taakirat fita hamil. Saadu mudirat ta kela ma abuhat ashan derish banat fitom de Kaman.
- Derisha banat sika ta saha ma kef umon be ligo musaadat ta saha le badun wo iyal.
- Saadu ma ajat al be afishu banat min ligo musesfaat, je kam be dafau le ilajiaat, musafa godur sunu, jaman godur kam, ma tegelia ta sokol fi bet wo taafish ta jena. Saadu be kabaraat min sawatin fogo ferigu weleda, fadia min asalu swal fogo saha, wo abuhat, rujal, wo jeranat al ma der saha ta banat.